

Sarajevo, 29.02.2016 god.

INICIJATIVA

POSLANIK: MARIO VUKASOVIĆ

Inicijativa upućena : Kantonalno tužilaštvo Kantona Sarajevo,

S obzirom da sam se protekle dvije sjednice bavio potencijalnim kriminalnim radnjama u JU „Studentski centar“ Sarajevo te da sam dobio od tužiteljstva informaciju da je formiran krivični predmet, ovim putem dostavljam tužilaštvu i dodatne informacije a koje ću predati službama.

Za Tužilaštvo KS:

Prema informacijama koje sam dobio postoje indicije da je u Studentskom centru također na djelu i fiktivno zapošljavanje studenata. Naime, o čemu se radi, JU „Studentski centar“ Sarajevo je osnivač Studentskog servisa a koje se bavi posredovanjem u zapošljavanju studenata.

Postoji određeni broj zaposlenika u JU „Studentskom centru“ koji su bili dužni da pronađu studenta koji će se prijaviti na Studentski servis i na čije će se ime plata isplaćivati iako ti studenti u stvarnosti nisu zaposleni u JU. Na ovaj način vrše se manipulacije jer JU ostvaruje poreske olakšice u vidu manjeg poreza ako platu isplaćuje preko Studentskog servisa studentima koji zatim pare podižu sa svojih računa i predaju stvarno uposlenima u gotovini. Provizija Studentskog servisa u ovim transakcijama je 10-12% što otvara sumnje u malverzacije i direktno nanosi štetu JU.

Svojevremeno je direktor Kadrić u medijima govorio :

„Bojim se da ti pojedini servisi ne 'peru' novac tako što angažuju studente, a poslodavci plate 10 do 12 posto poreza umjesto 72 posto“, kazao je Kadrić.

Postoje snažne indicije da upravo to sada radi JU „Studentski centar“ Sarajevo.

Molim vas da Tužilaštvo KS ispita sve ugovore studenata koji su preko Studentskog servisa radili u JU „Studentski centar“ u mandatu direktora Kadrića te da se na taj način pokuša utvrditi da li među tim ugovorima postoje oni koji su bili samo fiktivni.

Podsjećam da je na isti način i zbog iste stvari u Hrvatskoj na 15 mjeseci uvjetno osuđen prof. Krešimir Pavelić a koji je na isti način putem fiktivnih studentskih ugovora izvlačio pare iz Instituta „Ruđer Bošković“.